

ESITE

Papia qizec irec maŋnao Juda ŋokac moc ere binaŋ qâreŋkekicne fokac, ŋokac zâŋene Esite. Ŋokac e Juda mâreŋko mâcne, Perisia mâreŋko juwec. E Juda ŋokaczi Judaŋic âgofâc-ticne jaŋehec mâreŋ ira kâpâcwâru juwec hâcne.

Eme binaŋ-ticne râekicne fokac i gâcne manapene boc mi biankekac. Erâ Anuture zâŋe me dâŋ i papia irec maŋnao wâc mi fuakac. Dâŋ gâcne izi mic Judaŋic sahackopec eebapa-jeŋicte mumuteŋ dâŋ ekac. Ehame Judaŋic jaŋe mâsi wiac gâcne embiŋ i honepene qâpuc mâsi erâ mamakâcne ekac.

Gaŋne gaŋne dâŋ forakac ine kecziŋuc:

Esi 1–2. Ira Perisia ŋicwofuŋ Ahasiwero e Susa haeo juhuc ŋonâŋ-ticne zâŋene Wasiti e qaŋatara-ticnere erâ qaisockehuc jâperâ Juda ŋokac, Esite hâcne e ŋonâŋ-ticne rowec, irec dâŋ fokac.

Esi 3. Irece maŋnao dâŋ â binaŋ kecziŋuc qâreŋkekicne fokac: Ŋicwofuŋte micne sâko Hamaŋ e â micne âgofâc-ticne jaŋe Judaŋic râsi mâretec ejarerâ bomac-jopahuc bocjaha qâhâmoc-jopaniŋte mumupaŋ râembiŋ.

Esi 4–8. Esite e Judaŋic âgofâc-ticne jaŋere busâqoc manahuc ŋicwofuŋ ŋowe-ticne e mumupaŋ i bârârieocte, erâ micne sâko-ticne wâc beheocte mu qafeŋ ecnewec. Erâ i sawa mâcne, micne sâko ere âkehoc ine Judaŋic Morodekai e micne âkendâŋneocte âzâcnewec. Inuc ecnekume ŋicwofuŋzi

ñonân-ticnere dân manahuc micne-ticne
 Haman beherâ ere âkehoc Morodekai micne
 âkendânnewec. Erâ mumupañ dân râekicne
 i wâc mâmâc bârâriewec. Inuc eme Judanjic
 jañe tâpirihec erâ okac babazu gie bambiñ.
 Ehuc Haman bituambiñ â Perisia ñic bocjaha
 jâmbân qâhâmoc-jopambiñ. Inuc fuame
 Judanjic jañe rambañ juhuc zeri sâko embiñ.
 Erâ juku zâhec wiac irec manasuhuc jarane
 jarane hombañ-ticne ñejumbien. Hombañ
 zâñene ine Purim mumbiñ.

Nokac wofuñ Wasitizi ñicwofuñte dân qatarawec

¹ Wiac kecziyec binañ bakicne i Ahasiwerozi
 India mârenkonec fuñkerâ raku Etiopia
 mârenko tarakac, mâren ñonden ira mâren
 dâkâne dâkâne 127 forawec irec ñicwofuñ juha
 fuawec. ² Ñicwofuñ Ahasiwero e damen ira
 hae qizec-ticne Susa ira juhuc ñicwofuñ gie
 bawec. ³ Bahuc jume jara jahec â moc eha
 fekicnefâc-ticne â kiñañ qaqañ-ticne erâ
 Perisia â Mede mârenkonec momori micne â
 mâren dâkâne gâcne irec soñañ micne jañe tiwâ
 bâzi qajareme fisiwec. ⁴ Ehamer uucmañ-ticnere
 monen mafa â ñicwofuñ juju-ticnere wiac furi
 sâko erâ eri qarawen i jowatuhuc juhame zoañ
 gie bapa 180 tarawec. ⁵ Tarame ñicwofuñ e
 hae qizec-ticne Susa ira ñic jufârembiñ, fekicne
 â wahakicne jañere tiwâ bâzi moc ficticnere
 hae zoñao qame fisiwec. Eme nâhuc juhapie
 zoañ gie bapa 7 tarawec. ⁶ Hae zoñare qoruc

ââketâc qanqan â kenkenne i muc hahamenne
 â âmuc âmucne izi finzun siliwazi bakicne ira
 basanankerâ qânâ wâtuŋko qetickembiŋ, ehuc
 fofo wiac gol â siliwazia bakicne i qânâ fuŋne
 fuŋne furi sâkozi hata bakicne irec qanqan
 hepîe ŋewec. ⁷ Waiŋ opâ ine tase hawarine fuŋne
 fuŋne ira honkepie hume jarembiŋ; waiŋ opâ
 i ŋicwofuŋ e rowan-ticnao bocjaha focnewecte
 buafec jaha jare gumec eme nâ gapec embiŋ.
⁸ Ŋicwofuŋ e ŋic jaŋe aŋac-jeŋicte sâc sawa
 waiŋ opâ nâninŋte manasuhuc kiŋaŋ qaqaŋ
 sâcmutâc ejareme irec sâcko jarehuc zoqac
 moc mi ejarembiŋ. ⁹ Eme ŋokac wofuŋ Wasiti e
 wâc iŋuc jaha ŋicwofuŋ Ahasiwero erific-ticnao
 ŋokac jaŋere tiwâ bâzi moc game fisiwec.

¹⁰⁻¹¹ Zoan gie bapa 7 ira ine waiŋ opâzi
 ŋicwofuŋ maŋticne bâsifuckeme zeri ehuc kiŋaŋ
 qaqaŋ-ticne fekiŋe Mehumaŋ, Bireta, Hare-
 bona, Bigita, Abagita, Setari â Karikasi jaŋe
 ŋokac wofuŋ Wasiti e eridu-ticnehec ŋicwofuŋte
 maio jowa warenŋte mutâcne-jarewec. Ŋokac e
 sahaŋ hawari-ticne biaŋne, irec ŋicwofuŋzi ŋic
 ŋokac jowatuocce manasuwec. ¹² Eme ŋokac
 wofuŋ Wasiti eki ine kiŋaŋ qaqa ŋic fekiŋe
 jaŋe ŋicwofuŋte dâŋ âzâcnepie qatarawec.
 Iŋuc eme ŋicwofuŋ e maŋzoc-ticne fuame
 aaricke sâqorewec.

¹³ Eme ŋicwofuŋ e sâcmutâc dâŋ â ŋic
 ŋokac ee-bapa-jeŋicte fuŋne manambiŋ ŋic i
 jaŋe mu wioc ejare jujec, irec sâc jaha
 mamana ŋicfâc-ticne dameŋte fuŋne
 mana jumbien jaŋe mu wioc ejarewec.
¹⁴ Dameŋ ira ŋicwofuŋte maŋfuŋko
 Perisia â Mede mârenkonec mamana ŋic fe-

kicne 7 kecziñuc jañe jumbiñ: Karasena, Se-
 tari, Adamata, Tarasisi, Meresi, Maresena erâ
 Memukañ. Jañe hâcne ñicwofuñ uucmañ-ticnere
 ñic fekicne juhuc ñicwofuñ iqicke jumbienj. Irec
 jañe kecziñuc muhuc wio-jarewec: ¹⁵ “Ñokac
 wofuñ Wasiti e ñic fekicne jañe ñicwofuñ Ahasi-
 wero nore dâñ âzâcnepie qatarawec, irec e
 weninuc ecnehuc sâcmutâc dâññâñecte sâcko
 bâtiñnenañmu?” ¹⁶ Inuc wio-jareme Memukañ
 e ñicwofuñ â ñic fekicne jañere maio kecziñuc
 muwec: “Ñokac wofuñ Wasiti e ñicwofuñ sawa
 mâcne, ñic fekicne â ñic gâcne sasawa ñicwofuñ
 Ahasiwero uucmañ-ticnao jufâreñgopienj jañe
 mâmâc bawahac-jopawec. ¹⁷ Ñokac wofuñzi
 mâsi ewec i ñokac sasawa jañe mana-fâreninmu,
 ehuc ñowefâc-jeñic jañere manapie wawahane
 eha ziñuc muniñmu hâcne: ‘Ñicwofuñ Ahasi-
 wero e ñokac wofuñ Wasitizi mai-ticnao fuaocce
 mume dâñticne qatarawec.’ ¹⁸ Irec Perisia â
 Mede ñokac fekicne jañe miñecgac jaha ñokac
 wofuñzi mâsi ewec irec biñe manarâ ñic fe-
 kicne dâñbinañ ejarehuc mana wahac-jopapie
 aaric boc fuaocmu. ¹⁹ Irec ñicwofuñ, go man-
 atec sâccekacko ine Perisia â Medenñic jañere
 sâcmutâc fokac, sâcmutâc sanañ inucne moc
 kecziñuc muhuc hae sâc râetec razejec: Wa-
 siti e ñicwofuñ Ahasiwero nore maio mocwâc
 mi fuazejec. Go inuc erâ ñokac bianne moc
 ñeñetac-ticnao âkendâñnetec ñokac wofuñ erâ
 juzejec. ²⁰ Erâ ñicwofuñ go sâcmutâc râetec rarâ
 uucmañge sâccke-fâreme ñokac sasawa jañe ma-
 narâ ñowefâc-jeñic fekicne â wahakicne mâmâc

sâsec-jopa-fârenzepien.” ²¹ Eme ñicwofuñ â fe-kicnefâc-ticne jañe dâñ i manarâ bubianñ manambinñ, ehuc ñicwofuñ e Memukanñzi dâñ muwec irec sâc ewec. ²² Ehuc mâreñ-ticnere dâkâne sasawa ira papia râeme rafârewec. Ine mâreñ dâkâne dâkâne qâreñ hawari-jeñic forawec â ñic ñokac dâñmarac-jeñicte sâcko râeme rawec, i ñic sasawa jañe ficjeñicte micne juhuc ñokacfâc-jeñic jañere dâñ mutaraninñte inñuc ewec.

2

Esite e ñokac wofuñ âkendâñnekicne

¹ Juku zâhec ine ñicwofuñ Ahasiwero aaric-ticne fâre wahame Wasitizi mâsi ewec irec mecne â mumupañ dâñticne weninñuc mukicne irec mâmâc manasuwec. ² Inñuc eme kinñañ qaqañfâcne jañe zinñuc âzâcnembinñ: “Ñicwofuñ, go mutec naru zeñoñ hawari bianñ bâwosâec-jopapie gore binñe junzepienñ. ³ Erâ gokizia uucmanñgere mâreñ dâkâne dâkâne forakac irec ñic micne mucjopatec jañe naru zeñoñ hawari bianñ hâcne bâtumañ-joparâ hae qizec Susa ira ñokacficko guruc-jopanzepienñ. Ehuc ñicwofuñte ñic fekicne Hegai ere meo râec-jopanzepienñ. Eki hâcne ñokac soñañ jukac. ⁴ Ehame ñokac zeñoñ e me e manacnetec sâckeha Wasitire okacne ñokac wofuñ âkendâñnezemec.” Dâñ inñuc mupie ñicwofuñzi maname bianñkeha inñuc ewec.

⁵ Eme Susa hae qizec ira Benjaminñte guruonec Judañic moc juwec zâñene Morodekai; e Jairi ere ñokâ, Jairi e ine Simeire ñokâ â Simeizi Kisire ñokâ. ⁶ Morodekai e Babe ñicwofuñ

Nebukanezazi Juda ñic ñokac â ñicwofuñ-jeñic Jekonia kâpâcwâruo bacjopa rawec dameñ ira Jerusalem haeonec mâmâc barakicne. ⁷ Ñic eki mamac pitic-ticnere otâ Hadasa, Esite hâcne, e bekâ juwecte gume jowac ecneha sokawec. Naru e sahad hawari-ticne biañne â gâjoñ sereñ. Neñgoc mamac jahec-ticne hâmpire Morodekaizi rorâ e jahacne otâ inucne bajuwec. ⁸ Eme ñicwofuñ e sâcmutâc dâncticne râeme rame naru zeñjoñ bocjaha bâtumañ-joparâ Susa hae qizecko Hegaire meo râec-jopambiñ dameñ ira Esite mâmâc ñicwofuñte ficko jowa rarâ ñokac soñjoñ juwec ere meoa râembiñ. ⁹ Hegai e ine naru ere maname biañkewec â sâckewec. Irec e wokemañ âsu biañ â nânâ wiac biañne afeckerâ râcnehuc kiñjoñ narufâcne ⁷ ñicwofuñte fickonec bâwosâec-joparâ râcnewec. Erâ naru e jahacne â kiñjoñ narufâcne jañe ñokacfic mañne biañnao râec-jopawec wâc. ¹⁰ Esite e Morodekaizi mic muac ecnewecte e jahacne âgo soctofafâc-ticne â qomâfâc-ticne mi mu-fuac-jopawec. ¹¹ Morodekai eki ine Esite weniñuc ehuc jukac irec fuñne manaocte zoañne zoañne ñokacficte hae zoñnao rac warec ehuc juwec.

¹² Naru zeñjoñ rocjopa jumbiñ jañe sahad eemasañ gie bahuc juhapie mosa 12 tara jujec. Mosa 6 irec mañnao saife âsu â wokemañ rua jumbiñ â mosa 6 ira ine tokic â huc âsu rua jumbiñ. Eme juku gie i tarame ñicwofuñ Ahasiwerore maio buc buc fuanĩte dameñ maicke jujec. ¹³ Ehamé naru moc e ñokacfickonec wiac i me i barazo mume manacne jumbiñ. ¹⁴ Eme

naru jaŋe owâcne ɲicwofuŋte ficko fejubienj â furicte ine mocwâc waha jubienj. Waharâ ine ɲokacfic moc ɲicwofuŋ ɲokacfâc-ticne mamare jubienj ira rajubienj. ɲokac i jaŋe ine ɲicwofuŋte ɲic fekicne Sasigazezi soŋaŋ-jopahuc juwec. Ehame naru jaŋe ɲicwofuŋtao kosa mocwâc mi rajubienj, e jahac mana-jareme biankeha zâŋe-jeŋic muhuc hefârec-jopame sâc ficticnao fejubienj.

¹⁵ Juku Morodekai e mamac pitic-ticne Ahibai ere otâ Esite hâcne, e jahacne otâ fuŋfuŋ tinac bajuwec e ɲicwofuŋtao feocte dameŋ-ticne maickewec. Eme Esite e maŋticnere wiac i me i ɲicwofuŋ ficko bafeocte mi muwec, mâc ɲicwofuŋte fekicne ɲokac soŋaŋ juwec, Hegai hâcne, eki âzâcnewec irec sâc sawa bafewec. Ehame Esite honembiŋ ɲic ɲokac i jaŋe sasawa manacnepie biankewec. ¹⁶ Eme ɲicwofuŋ Ahasiwero e guriŋ bapa gie bahuc jume jare 7 eha mosa 10, Tebeti mosa hâcne, ira Esite ɲicwofuŋte ficko jowa fembiŋ. ¹⁷ Eme ɲicwofuŋ e ɲokac gâcne jaŋere aŋackewec irec sâc sirickehuc Esitere boc ecnewec; ehuc naru zeŋoŋ gâcne jaŋere maname wawahane eha Esitere maname fefene ewec. Irec ehâmocnehuc eri hendiŋ qizecnao hecneme hume Wasitire âkehoc ɲokac wofuŋ âkendâŋnewec. ¹⁸ ɲicwofuŋ e iŋuc erâ Esite sâsehuc fekicne â kiŋaŋɲicfâc-ticne jaŋere tiwâ bâzi sâko moc game fisiwec. Ehuc mume mâreŋ-ticne dâkâne dâkâne forawec ira hombaŋ ɲehapie ɲicwofuŋzi bubiaŋ wiac aameo jarewec.

Râsidâŋ fuame Morodekaizi mufuawec

19 Eme naru zenon mocwâc hefârec-jopapie arecne jajahec ewec damen ira Morodekaizi njicwofun fic motâcko njewec. 20 Esite eki ine Morodekaizi mutâcnecnewec irec sâc ehuc âgo soctofafâc-ticne â qomâfâc-ticne mi mu-fuac-jopawec. E juwicnao Morodekaihec juhuc micticne renje jujec irec sâc jaha renkewec. 21 Eme Morodekai e njicwofun ficte motâcko njewec damen ira njic fekcicne jajahec, Bigita â Teresi, jahe motâc sonon jupiczi aaric-jofame njicwofun Ahasiwero qâhâmozo mupic. 22 Ehame dânjekic i Morodekaire hazecko hume njokac wofun Esite âzâcnewec, eme Esite e Morodekaire michte njicwofun mufuacnewec. 23 Eme dân irec fune bataniŋkerâ honepie fârine eme njic jahe jâcko bituac-jofambiŋ. Erâ irec dân i njicwofunŋte maio Binaŋ Qâhâc papia qizecko qârenkambiŋ.

3

Hamanzi Judanji sipiric-jopaocte muwec

1 Eme wiac i tara-fâreme njicwofun Ahasiwero e Agagi njic Hamedatare njokâ Haman sâsehuc njic fekcicne gâcne ehac mâmâc jumbiŋ jaŋere micne âkendânnewec. 2 Ehame njicwofunŋte kiŋanŋicfâc sacmotâcko domambiŋ jaŋe sasawa dieŋzi hecnehuc fodapecnemiŋ; i njicwofunŋzi iŋuc eniŋte mutâcne-jarewec hâcne. Morodekaizi ine dieŋzi hecnehuc mi fodapecnecnewec. 3 Iŋuc eme njicwofunŋte kiŋanŋicfâc sacmotâcko domambiŋ jaŋe ziŋuc wiocnemiŋ: “Go wemocte njicwofunŋte dân qatarakomec?” 4 Eme jaŋe zoanŋe zoanŋe iŋuc âzâcnepie Morodekaizi mi manawec. Eme

ere qaqtara i okac tâmiric foocmu me okacnehec eocme irec fuņne bataniņkeniņte Hamañ âzâcnembiņ. Morodekaizi “No Judaņic jukopac” iņuc hâcne jazawec. ⁵ Eme Morodekai e dienzi henarehuc mi fodape-narekac, Hamañzi iņuc honerâ aaricke sâqorewec. ⁶ Erâ ine Morodekai bucticne bâsiroweocte mi manasuweg. Hamañ e Morodekaizi Judaņic jukac, iņuc âzâcnepie manarâ Morodekai qomâfâc-ticne â âgo soctofafâc-ticne Ahasiwerore uucmaņko jumbiņ jaņe sasawa bâsirowec-jopa-fâreocte maņkewec.

⁷ Ahasiwero e ņicwofuņ jume jara 12 eha mosa namba 1, mosa Nisaņ hâcne, ira Hamañte maio qâsâi zâņene Puru i qambiņ. Erâ zoaņne zoaņne â mosane mosane qafekupie mosa 12, Adari mosa i hâcne wahawec. Ehame irec zoaņ gie bapa 13 maickeme behembiņ. ⁸ Behepie Hamañzi ņicwofuņ Ahasiwero ziņuc âzâcnewec: “Uucmaņgao mâreņ dâkâne dâkâne forakac ira ņic guru fuņmoc jaņe siņsaņ qarâ juņgopieņ jaņere sâcmutâc dâņ i ņicguru gâcne nâņâcne sâcmutâc fokac irec sâc aricne. Jaņe ņicwofuņ gore sâcmutâc dâņ mi reņkeņgopieņ. Iņuc ehuc juhapie go sifu mana-jaretec zuhuckerâ jupie mi sâckeocmu. ⁹ Irec go manatec sâckeha mumutara dâņ qâreņkerâ râetec rame bâsirowec-jopa-fârenzepieņ. Ehame no siliwa moneņ teņ tausen ņic gore moneņ mafa wiac soņaņkeņgopieņ jaņere meo râepe jaņe gore moneņ katapao behepie huzejec.” ¹⁰ Iņuc mume ņicwofuņzi meo fefe-ticne manehec i batararâ Hamedatare ņokâ Judaņic jaņere râsi juwec,

Agagi ñic Hamañ hâcne, e râcnewec. ¹¹ Ehuc zîñuc âzâcnewec: “Moneñ i gore biñe, â ñic ñokac keci jañe gore biñe jaha, irec go gahac manakic sâc ejarezemec.”

¹² Eme mosa wâñ irec gie bapa 13 ira ñicwofun̄te qâren̄ñic hetuman̄-jopapie jañe Hamañzi mutâcnewec irec sâcko ñicwofun̄te mâren̄ soñañ â guriñ bapafâc-ticne mâren̄ dâkâne dâkâne jurambin̄ erâ ñic gurune gurune fekicnefâc-jeñic jañere sâcmutâc dân̄ moc qâren̄kembin̄. Ehuc mâren̄ dâkâne dâkâne ñic jurambin̄ jañere qâren̄ hawario â dân̄maracko qâren̄kembin̄. Sâcmutâc dân̄ i ñicwofun̄ Ahasiwerore michte qâren̄kerâ tataranao ere ma hembin̄. ¹³ Papia i mosa namba 12, zâñene Adari, irec gie bapa 13 ira Judanjic sasawa, kâcçene â piticne erâ ñokac naru motec bâsirowec-jopa-fârerâ mafa wiac-jeñic fiuckenin̄te kin̄aññic jañe ñicwofun̄te michte mâren̄ dâkâne dâkâne forawec ira picpac jaha barambin̄. ¹⁴ Ehame mâren̄ dâkâne sâc irec ñic ñokac jañe zoañ damen̄ ira zawierâ junin̄te sâcmutâc dân̄te papia irec rehacne moc i hae sâc râepie rafârewec. ¹⁵ Eme hae qizecko sâcmutâc dân̄ i ñic ñokac wose-jarehapie kin̄aññic jañe ñicwofun̄te michte bârun̄ jaha hae sâc barambin̄ hâcne. Ehame ñicwofun̄ â Hamañ jahe wain̄ opâ nâhuc ñehapire Susa hae rune jañe sâcmutâc dân̄ i manarâ fâfâre sâqorembin̄.

4

Esitezî ñicfâc-ticne jañere dân̄ ñicwofun̄

âzâcneocte mupaŋkewec

¹ Eme Morodekai e wiac sasawa fuawec irec binje manarâ ŋaqi-ticne bâsuckerâ maten qonaŋkerâ zafe ruawec. Erâ hae zâzâŋiŋko rarâ owackehuc kio ŋâŋâtâc ewec. ² Ehuc ŋicwofuŋ ficte sacmotâc fuŋko ferâ domawec. Sacmotâc ira ine ŋic jaŋe maten qonaŋkerâ moc mi fejumpien. ³ Ehame ŋicwofuŋte sâcmutâc dâŋ i mâreŋ dâkâne dâkâne ra fisiwec sâc ira Judaniŋ jaŋere ŋondenko ki busâqoc â uwâuŋa fuarâ foha nânâ sowa jumbiŋ, ehuc ŋic bocjaha jaŋe maten qonaŋkerâ zafe rua-fârembiŋ.

⁴ Eme ŋokac wofuŋ Esite e kiŋaŋ naru â soŋaŋfâc-ticne jaŋe fisirâ dâŋ binan ecnepie maŋ kukumbuc boc ecnewec. Irece Morodekaizi ŋaqi moc heme huocte râeme rame qikiŋnewec. ⁵ Inuc eme Esitezi ŋicwofuŋte kiŋaŋŋic moc, zâŋene Hataka e hefârerâ wiac weninuc fuawec irec fuŋne manaocte Morodekairao soreme rawec. Niŋ eki hâcne Esitere kiŋaŋ qaocte mucnekicne. ⁶ Eme Hataka e Morodekaizi ŋicwofuŋ fic sacmotâc-ticnere hae zoŋao domawec ira rawec. ⁷ Ra fisime Morodekai e wiac sasawa fuacnewec irec dâŋ âzâcne-fârewec, ehuc Judaniŋ bâsirowec-jopaniŋmu irec erâ Hamaniŋzi ŋicwofuŋte moneŋ katapao moneŋ wezimuc râeme huocte mupaŋkewec i mâmâc âzâcnewec. ⁸ Ehuc Judaniŋ bâsirowec-jopazore Susa haeo sâcmutâc qâreŋkekiecne irec rehacne moc râcnewec wâc, i Esite jâaturâ fuŋne âzâcne mutâc eme eki ŋicfâc-ticne jaŋere erâ ŋicwofuŋtao nunumu gie baocte inuc ewec. ⁹ Eme Hataka e Morodekaizi dâŋ muwec i

rará Esite âzâcne-fârewec. ¹⁰ Inuc eme Esitezi Hataka dân kecziñuc muhuc Morodekairao soreme risiewec: ¹¹ “Ñicwofun̄te kiñan̄ñic â ñicwofun̄te mâreñ dâkâne dâkâne ñic juran̄gopien̄ jañe ziñuc mana-fâreñgopien̄: Ñic me ñokac moc e mi hefârehapie sifu ñicwofun̄te hae zoñao raziocmu e hâmo-jâmbân̄keocmu. Mocjaha, ñicwofun̄zi gunu-ticne golzi bakicne i ñic moctao sicneocmu e sawa akickeniñmu. No ine hefârecnupie ñicwofun̄tao mi fefe mâc juhape zoañ gie bapa 30 tarakac.” ¹² Eme Hataka â ñicfâc-ticne jañe Esitezi dân jazawec i Morodekai âzâcne-fârembiñ. ¹³ Âzâcnepie Esite dân kecziñuc bâtikiecneniñte jazawec: “Go ziñuc mi muzemec: Judañic sasawa jañe sipirickepie no ñicwofun̄te ficko jukopacte sâcne jupemu. ¹⁴ Manakic, go damen̄ zira dânemâc jucmuo ine Judañic gâcne nâñere babafic â babatara i mâreñ mockonec fua-nâreha go â mamacgere wiacfâc ñoñe ine sipiricke-fâreniñmu. Go damen̄ sâqocnao bafic-nâpocmurâ ñokac wofun̄ âkendân̄gukicne mecne.” ¹⁵ Eme Esite e dân i manarâ Morodekai ziñuc âzâcneniñte jazawec: ¹⁶ “Ajoc, go rarâ Susa haeo Judañic jun̄gopien̄ jañe hetuman̄-jopa-fâretec nore erâ sowa jun̄zepien̄, ehuc zoañko mecne ñafeo mecne nânâ opâ moc mi nâhuc juhapie zoañ gie bapa jahec â moc tarazejec. Ehame no â kiñan̄ narufâc-nane nâñe wâc inuc jaha sowa junañmu. Inuc epene tarame no sâcmutâc fokac i mana-bipiehuc sifu ñicwofun̄tao fezepac; eme irec erâ nuzo murâ nupie hâmozepac.” ¹⁷ Eme Morodekai e dân

i manarâ ra Esitezi mutâcnecnewec irec sâc efarewec.

5

Esite e ñicwofuñ â Hamañ tiwâ bâzire hefârec-jofawec

¹ Eme zoañ gie bapa namba 3 ira Esitezi ñokac wofuñ ñaqi wiac-ticne heme hume ñicwofuñte fic ñifecnao hae zoñã fowec ira ra domawec. Â ñicwofuñ e ine ficmañko motâc ocnijucnao eri ñeñe-ticnao ñewec. ² Ehuc ñokac wofuñ Esite e hae zoñao domaha honerâ bubian manahuc gunu-ticne golzi bakicne banewec i erao sicnewec. Inuc eme Esitezi mañfuñnao rarâ gunu tofanao bâuawec. ³ Eme ñicwofuñzi zinjuc mu wioc ecnewec: “Ñokac wofuñ Esite, go wemo wiacte warerâ mukomec? Go wiac irec me irec egareme mutec garepemu. Me uucmañ-nane ñifecnere mutec wâc garepemu.”

⁴ Inuc mume Esitezi muwec: “Ñicwofuñ, go manatec sâckeha go gahacne â Hamañ ñohe gore tiwâ bâzi rike bâmoc epac i fârâ nânic.” ⁵ Eme ñicwofuñzi kinãñicfâcne zinjuc jazawec: “Ñoñe biac jaha Hamañ jowa warepie Esitezi mukac irec sâc ezeperec.” Eme ñicwofuñ â Hamañ jahe Esitezi tiwâ bâzi rike bâmoc ewec i rarâ nâpic. ⁶ Ehuc wainj opâ nârâ ñehuc ñicwofuñzi Esite zinjuc mu wioc ecnewec: “Go wemo wiacte numu-narekomec? Go wiac irec me irec egareme mutec garepemu. Me wemo wiacte mukomec? Go uucmañ-nane ñifecnere mutec wâc garepemu.” ⁷ Eme Esitezi keczinjuc muhuc

âzâcnewec: “No zîŋuc muhuc numu-garekopac:
⁸ Nîcwofuŋ, go nore manatec bîaŋkeme nunumu
 dâŋnanere manatec sâccekacko go gahacne â
 Hamaŋ ŋohe tomâcko tiwâ bâzi rike bâmoc
 epemu i ware nâzepirec. Ehame no damaŋ ijaha
 dâŋ nazacmu irec sâc epemu.”

Morodekaire bibitua wâtuŋ bambin

⁹ Eme Hamaŋ e zoaŋ gie bapa ira zeri bari
 ehuc bubiaŋ faio hahata rawec. Raku ŋicwofuŋte
 sacmotâcko fisime Morodekaizi hone takirerâ
 qarac qarac qahuc ŋeweckonec mi faharewec.
 Iŋuc eme Hamaŋzi honerâ ere aaricke sâqorewec.
¹⁰ Erâ sifu aaric mana-bîpiehuc ficticnao
 risiewec. Risierâ âgofâc-ticne â ŋonâŋ-ticne
 Zeresi jaŋe hefârec-jopame fisimbiŋ. ¹¹ Fisipie
 Hamaŋzi monerâ mafa sâko-ticne irec binaŋ
 mecne, ŋokâfâcne jaŋere binaŋ mecne erâ
 ŋicwofuŋzi sâsehuc zâŋe biŋe sâko tahackeme
 ŋic fekicne â ŋicwofuŋte kiŋaŋŋic gâcne jaŋere
 sâc sirickewec irec binaŋ i mâmâc bajarewec. ¹² Ehuc
 zuhuckerâ zîŋuc jazawec: “Nokac wofuŋ
 Esitezi ŋic e me e mâcne, no hâcne ŋicwofuŋhec
 tiwâ bâzi nanacte hefârec-nâfojec. Erâ tomâcko
 wâc iŋuc jaha ŋicwofuŋhec erao ranacte nâsâjec.
¹³ Ehame Judaŋic Morodekaizi ŋicwofuŋte
 sacmotâcko zuhuckerâ ŋeocmuo ine no sifu
 wiac irec manape fârine mi eocmu.” ¹⁴ Iŋuc
 jazame ŋonâŋ-ticne Zeresi â âgofâcne
 sasawa jaŋe zîŋuc âzâcnembiŋ:
 “Go mutec bibitua wâtuŋ moc kubi* 50
 irec sâc banzepieŋ. Erâ tomâcko furicte
 ŋicwofuŋ

* **5:14:** 1 kubi i sâcmeta moc 18 inses me 46 senti meta irec sâc.

âzâcnetec mume Morodekai bituanzepien. Inuc epie honerâ njcwofunhec tiwâ bâzi nâzore bubian faio razepirec.” Eme Hamañ e dâñ i maname biankeha bibitua wâtun baninte njc jazawec.

6

Hamañ zoqac ecnemie Morodekai sâsewec

¹ Eme njcwofun e nfafe ira mañhâhân ecneme gunqâri juwec, ehuc zoaņne zoaņne wiac fua wefuwec irec binañ qâhâc papia i mume bafisirâ wosecnembiñ. ² Wosecnehuc ine njcwofunte kiñañnjc fekiecne jajahec, Bigitana â Teresi jahe motâc soñañ juhuc njcwofun Ahasiwero qâhâmonicte mupire Morodekaizi manarâ mufuac-jofawec irec binañ wosecnembiñ hâcne. ³ Eme njcwofunzi manarâ ziñuc muhuc wio-jarewec: “Morodekai e mufuac-jofawec irec erâ sâsehuc furine wemo wiac râcnekicne?” Inuc wiome kiñañ qacnehuc jumbiñ jañe ziñuc âzâcnembiñ: “Aricne, e wiac i me i moc mi râcnekicne.” ⁴ Mupie njcwofunzi muwec: “Hae zoñao mozi ware domakac?” Wiowec damen ñonden ijaha Hamañ e kecziñuc manasuhuc njcwofunte hae zoñao fisi domawec hâcne: No njcwofun âzâcnepe mume bibitua wâtun bakicne ira Morodekai bituanzepien. ⁵ Irec kiñañnjc jañe njcwofun ziñuc âzâcnembiñ: “Hamañzi ware hae zoñao domakac.” Inuc âzâcnepie njcwofunzi muwec: “Ecnemie wefuoc.” ⁶ Eme Hamañ e ficko feme njcwofunzi dâñ kecziñuc muhuc wiocnewec: “Njc moczi njcwofun no sâsecnuzore afeckeme weniñuc ecnepe sâckeocmu?” Mume Hamañ e

ziņuc manasuvec: “Ņicwofuņ e ņic moc mâcne, no hâcne sâsecnuocte mukac.” ⁷ Iņuc manasuhuc ņicwofuņ dâņ kecziņuc bâtikiecnawec: “O ņicwofuņ, go ņic sâsezo mukomec e ziņuc ecnetec sâckeocmu: ⁸ Go mutec ņicwofuņ ņaqi go gahac rojumeņ erâ becâsic eri hendiņ wiac-ticnehec go gahac bajumeņ i bawarenzepieņ. ⁹ Erâ ņicwofuņ gore kiņaņņic fekicne moc râcnepie eki ine ņicwofuņ go ņic sâsezo mukic e hecneme huzejec. Ehame ņic e ecneme becâsicko ferâ ņehame barâ rahuc hahaņne barâ ziņuc muzejec: ‘Ņicwofuņzi ņic moc sâseocte afeckeme e iņuc hâcne ecnezo.’” ¹⁰ Iņuc mume ņicwofuņzi Hamañ ziņuc âzâcnewec: “Ajoc, go mukomec irec sâc jâmbâņ ehuc ņaqi â becâsic rorâ Judaņic Morodekai nore sacmotâcko ņekac e râcnezemec. Go dâņ mume i efârezemec.” ¹¹ Eme Hamañ e ņaqi wiac Morodekai hecneme huvec. Erâ ecneme becâsicko ferâ ņeha bâniecnehuc hahaņne barâ dâņ ziņuc muvec: “Ņicwofuņzi ņic moc sâseocte afeckeme e iņuc hâcne ecnezo.”

¹² Iņuc epie tarame Morodekaizi ņicwofuņte sacmotâcko risiewec. Â Hamañ eki ine zâņe mai-ticne bâsoņkerâ busâqoc manahuc ficticnao gasackerâ rawec. ¹³ Ra fisirâ wiac fuacnewec irec bināņ i ņonâņ-ticne Ņeresi â âgofâcne bajarewec. Bajareme âgofâcne â ņonâņ-ticne Ņeresi jaņe ziņuc âzâcnemiņ: “Go miņecgac Morodekaire maio fuņkerâ bawahacgukicne irec manac: E Judaņic fârine jukacko ine ere maio mocwâc sanaņkerâ mi domacmu.”

¹⁴ Jaņe Hamañhec dâņ muha muhapie izia

ņicwofuņte kiņāņņic fekcicne jaņe fisirâ, Esitezi tiwâ bâzi rike bâmoc ewec i nânicte bâruņ jaha jowa rambiņ.

7

Hamaņ e dâņticne fâri tâmiric eha e jahacne bituambiņ

¹ Eme ņicwofuņ â Hamaņ jahe ņokac wofuņ Esite ehēc tiwâ bâzi nânicte rapic. ² Erâ zoaņ namba 2 ira waiņ opâ nâhuc ņicwofuņzi Esite mocwâc ziņuc muhuc wiocnewec: “O ņokac wofuņ Esite, go wemo wiacte numu-narekomec? Go wiac irec me irec numu-naretec garepemu. Wemo wiacte mukomec? Go uucmaņ-nane ņifecnere mutec wâc garepemu.” ³ Iņuc mume ņokac wofuņ Esitezi dâņ ziņuc bâतिकecnewec: “O ņicwofuņ, go nore manatec sâcke biaņ ekacko ine nunumu-nanere erâ no nahac â ņicfâc-nane nâņe akic-nâpozemec. ⁴ Nâņe sipiric-nâporâ qâhâmoc-nâpohuc bâsirowec-nâponiņte furi bacnâpokicne hâcne. Nâņe monēzi furi bacnâpohuc kiņāņņic ņokac sawa bacnâponzapiņ muzac irec dâņ moc mi muzapo, â zârâ hâriņ iņucnere erâ wemocko ņicwofuņ micneneņ ecnezapo.” ⁵ Iņuc mume ņicwofuņ Ahasiwero e ņokac wofuņ Esite ziņuc muhuc wiocnewec: “Mo ņiczi wena juhuc wiac iņucne ezo maņkekac?” Eme Esitezi muwec: “ņic repic qapicne keci Hamaņ hâcne eki râsi enârehuc iņuc ekac.” ⁶ Iņuc âzâcneme Hamaņ e ņicwofuņ â ņokac wofuņ jahere maio bipicne tarame qarac qarac qawec. ⁷ Ehame ņicwofuņ e aaric sâko manarâ tiwâ bâzi

nâhuc nembijnkonec faharerâ hae zonao huwec; â Haman e ine ficmankoa nehuc, njicwofun e wiac hâhâwicne enareocmu injuc manahuc Esitezi akickeocte numucnewec. ⁸ Eme njicwofun e wain opâ nâhuc nembijnko risierâ zinjuc honewec: Haman e Esite foweckoa waha fodapecnewec. Injuc honerâ kecziinjuc muwec: “Hâc, njic keci e ficnaneoa njokac wofun bâbieocte ekac me?” Njicwofun e dân injuc muha muha izia Haman zâne maine qofackembinj. ⁹ Injuc epie njicwofunte kinan qahuc domambin janeraonec moc zâne Harebona e kecziinjuc muwec: “Mananropien, Morodekai e njicwofunte kinan bianne qawec, eme ere bibituare wâtuñ Hamanzi mume kubi 50 irec sâc biac bakicne i Hamante hae zonao wisepie huwec domakac.” ¹⁰ Njic e injuc mume njicwofunzi muwec: “Ajoc, ira bituaninj.” Eme jaje Morodekaire bibitua wâtuñ bakicne ira hâcne Haman bituambinj. Injuc epie njicwofunte aaric fâre wahawec.

8

Judanjic jaje sanankehuc kisâfâc-jenjic bawa-hac-jopaniñte mana-jarekicne

¹ Eme zoan ira njicwofun Ahasiwero e Judanjic janere râsi, Haman hâcne, ere fic i njokac wofun Esite râcne tahac ewec. Ehame Esitezi Morodekaire funne njicwofun âzâcneme manarâ Morodekai hefâreme njicwofunte maio fuawec. ² Eme njicwofun e meo fefe-ticne maqârenhec Haman jâoc rowec i meticnaonec rorâ Morodekai

râcnewec. Eme Esitezi ine Haman̄te fic irec son̄an̄ Morodekai âkendân̄newec.

³ Esite e in̄uc erâ ñicwofuñ fodapecnerâ kiohuc Agagi ñic Haman̄ e Judan̄ic bâsirowec-jopaoc̄te sâcmutâc dân̄ hehesicne bâfuawec i ñicwofuñzi bârârieoc̄te numucnewec. ⁴ In̄uc eme Ahasiweroci ñicwofuñ gunu-ticne golzi bakicne i Esiterao sicnewec. ⁵ Eme Esitezi faharerâ ñicwofuñte maio domawec. Ehuc kecziñuc âzâcnewec: “O ñicwofuñ, go nore manatec bian̄keha dân̄ mukopac irec wâc manatec sâckeme ine mutec sâcmutâc dân̄ moc qâren̄kerâ râepie rarâ Haman̄te dân̄ qâsuazejec. Agagi ñic Haman̄ e Hamedatare ñokâzi hâcne ñicwofuñ gore mâren̄ dâkâne dâkâne ira Judan̄ic juran̄gopien̄ jan̄e bâsirowec-jopa-fâreoc̄te dân̄ qâren̄keme rawec. ⁶ Eme zi ñicfâc-nane jan̄ere faio wiac hâhâwicne fezo ekac i no hone manac erâ wen̄in̄uc epemu, me soctofafâc-nane bâsirowec-jopapie no wen̄in̄uc erâ sâcne jupemu?” ⁷ In̄uc mume ñicwofuñ Ahasiweroci ñokac wofuñ Esite â Judan̄ic Morodekai zin̄uc jasawec: “Manakopirec, Haman̄ e Judan̄ic bâsirowec-ñopaoc̄te muwecte mupe bituambin̄, erâ wâc ficticne i Esite go gare tahac epac. ⁸ Irec ñohe ñicwofuñ nore zân̄eo âkehotahuc Judan̄ic jan̄ere dân̄ in̄uc me in̄uc moc qâren̄kezo murâ qâren̄kezepirec, ehuc nore maqâren̄ râezepirec. Sâcmutâc dân̄ moc i ñicwofuñ nore zân̄eo âkehotahuc qâren̄kerâ maqâren̄-nane rânen̄im̄u i mocwâc qâsuapie moc rârâene mi eocmu.”

⁹ Ñicwofuñ e dân̄ in̄uc mutarame mosa

namba 3, zâñene Siwan, irec gie bapa 23 ira qârenjicfâc-ticne hetumanj-jopambinj. Eme jañe Morodekaizi mutâcne-jarewec irec sâc Judanj jañere erâ sâcmutâc dân moc qârenkembinj. Ehuc India mârenkonec fuñkerâ raku Etiopia mârenko tarakac mârenj ñondenj ira mârenj dâkâne dâkâne forawec irec soñanj â gurinj bapa ñic â ñic fekicne jañerao râepie rawec. Mârenj dâkâne dâkâne forawec ine 127. Sâcmutâc dân i ine mârenj dâkâne dâkâne ñic jurambinj jañere qârenj hawario â dânmaracko qârenkehuc Judanj jañere qârenj hawario â dânmaracko wâc mâmâc qârenkembinj. ¹⁰ Papiã i ñicwofuñ Ahasiwero ere zâñeo âkehotahuc qârenkerâ ere maqârenj mâmâc râembinj. Eme sâcmutâc dân irec papiã i becâsicko rara kiñaññic jañe gasacke sâqorehuc barambinj. Becâsicfâc-jeñic jañe ñicwofuñte becâsicfâc jumbinj jañeraonec. ¹¹ Sâcmutâc papiã ira ñicwofuñzi Judanj jañe sanañkerâ juju-jeñic ñezickeniñte mana-jarewec. Erâ i sawa mâcne, mârenj dâkâne moc irec rune jañe Judanj râsi ejarehuc jopaniñte fisipie okacne bazu-jarehuc ñokac naru motecfâc-jeñic jañehuc bâsirowec-jopa-fârehuc mafa wiac-jeñic wâc jowac roninñte mâmâc mana-jarewec. ¹² Wiac i ine ñicwofuñ Ahasiwero ere mârenj dâkâne dâkâne forawec ira mosa namba 12, zâñene Adari, irec gie bapa 13 ira hâcne inuç eniñte mukicne. ¹³ Erâ sâcmutâc dân qârenkekicne irec rehacne moc moc mârenj dâkâne forawec sâc ira râepie rame ñic ñokac wose-jarepie mananiñte mukicne. Ehame Judanj jañe 30añ ijaha wâc

zawierâ răsifâc-jeŋic okacne bazu-jareninŋte mukicne. ¹⁴ Dâŋ inŋuc qârenŋke-fârerâ becâsicko rara kiŋaŋŋic ŋicwofunŋte michte râec-jopapie rambiŋ. Ehame sâcmutâc dâŋ i Susa hae qizecko ira wâc ŋic ŋokac mâmâc wose-jarembiŋ.

¹⁵ Eme Morodekai e ŋicwofunŋ ŋaqi keŋkeŋne â qaŋqaŋ, erâ golzi eri hendiŋ bakicne â ŋaqi sahacone moc qoruc hahameŋne â âmuc âmucne i sasawa heme hume ŋicwofunŋte fickonec waha-hame Susa hae qizec irec rune jaŋe ofac hecne-huc zeri bari embiŋ. ¹⁶ Judaŋic jaŋerao wama fuame zâŋe biŋehc erâ bubiaŋ manahuc zeri embiŋ hâcne. ¹⁷ Erâ mâreŋ dâkâne dâkâne forawec â hae sâko ŋerawec sâc ira ŋicwofunŋte mumutâc â sâcmutâc fisime Judaŋic jaŋerao zeri bubiaŋ fuame hombaŋ ŋehuc tiwâ bâzi nâmbiŋ. Ehame mâreŋ irec ŋic ŋokac bocjaha jaŋe Judaŋic jaŋere hâwic-jopame ziŋuc mumbiŋ: Nâŋe Judaŋic jaha.

9

Judaŋic jaŋe răsifâc-jeŋic bâsirowec-jopambiŋ

¹ Ŋicwofunŋte mumutâc â sâcmutâc i mosa namba 12, zâŋene Adari irec zoaŋ gie bapa 13 ira fârinehec eocte mukicne. Erâ ine Judaŋic răsifâc-jeŋic jaŋe Judaŋic bawahac-jopahuc jopa qâzâic ejareninŋte mukicne zoaŋ ira hâcne Judaŋic jaŋe răsifâc-jeŋic bawahac-jopahuc jopa qâzâic ejareninŋte mana-jarekicne. ² Irek Judaŋic jaŋe zoaŋ ira hâcne ŋicwofunŋ Ahasiwero ere mâreŋ dâkâne dâkâne forawec ira hae-jeŋic sâc tumaŋnehuc răsifâc-jeŋic jumbiŋ ŋic i jaŋe hâcne bâsirowec-jopambiŋ. Inŋuc

epie njic jaņe hâwic-jopame moczi moc mi sananķembiņ. ³ Ehamē mârēņ dâkâne dâkâne irec njic fekiecne erâ mârēņ soņanġ â guriņ bapa erâ njicwofuņ kiafâc-ticne jaņe Morodekai ere boc hâwic-jopame Judanġic bafic-jopambiņ. ⁴ Morodekai e njicwofuņte ficko njic tâpiri sâkohec juwecte ere boc manapie feme zâņe biņe-ticne mârēņ dâkâne dâkâne haņ bawec. ⁵ Inġuc fuame Judanġic jaņe râsifâc-jeņic zikazi jopa qâhâmoc ejarehuc, juwicnao qaisoc-jopambiņ njic i jaņe kosa qa imac ejarembiņ hâcne. ⁶ Ehuc Susa hae qizecko ine njic 500 jopa miziembiņ. ⁷⁻¹⁰ Erâ Hamedatare ņokâ, Judanġic jaņere râsi qizec Hamanġ hâcne, ere ņokâfâc 10 kecziņuc jaņe wâc qâhâmoc-jopambiņ: Parasandata, Dalafonġ, Asipata, Porata, Adalia, Aridata, Pamasita, Arisai, Aridai erâ Wajezata. Judanġic jaņe inġuc ehuc râsifâc-jeņic jaņere mafa wiac ine sifu ro rauc mi embiņ.

¹¹ Eme Susa hae qizecko njic qâhâmoc-jopakicne jaņere zare i zoanġ ijaha njicwofuņ mufuacnemiņ. ¹² Inġuc epie njicwofuņzi ņokac wofuņ Esite kecziņuc âzâcnewec: “Judanġic jaņe Susa hae qizecko njic 500 jopahuc Hamanġ ņokâfâc-ticne 10 mâmâc qâhâmoc-jopambiņ. Jaņe zira inġuc ehuc ine nore mârēņ dâkâne dâkâne forakac ira weniņuc embiņ? Erâ sifu go wiac irec me irec numu-naretec mana-garepemu.” ¹³ Inġuc mume Esitezi muwec: “Njicwofuņ, go manatec sâckekacko ine Susa haeo Judanġic juņgopieņ jaņe mana-jaretec zoanġ zirec sâcmutâc fokac irec sâc jaha tomâcko wiac enzepieņ. Ehuc

wâc mana-jaretec Hamaŋ ɲokâfâc-ticne 10 bituac-jopanzepeŋ.” ¹⁴ Âzâcneme ɲicwofuŋzi iŋuc hâcne fuaocce mutâcnewec, ehame Hamaŋ ɲokâfâcne 10 bituac-jopambiŋ. ¹⁵ Eme Judaŋic jaŋe mosa Adari irec zoaŋ gie bapa 14 ira Susa haeo tumaŋnehuc ɲic 300 mocwâc qâhâmoc-jopambiŋ. Ehuc sifu mafa wiac-jeŋic ine ro rauc moc mi embiŋ.

Judaŋic jaŋe zeri hombaŋ moc ɲembiŋ

¹⁶ Judaŋic gâcne ɲicwofuŋte mâreŋ dâkâne dâkâne forawec ira jumbiŋ jaŋe iŋuc jaha juju-jeŋic ɲezickeniŋte tumaŋnemiŋ, ehuc qaisoc-jopambiŋ ɲic i jaŋe okacne bazu-jarehuc ɲic ⁷⁵ tauseŋ qâhâmoc-jopambiŋ, mafa wiac-jeŋic ine sifu ro rauc moc mi embiŋ. ¹⁷ Wiac i mosa Adari irec zoaŋ gie bapa 13 ira ekicne; zoaŋ gie bapa 14 ira ine ɲemanarâ tiwâ bâzi nâhuc zeri bari embiŋ. ¹⁸ Judaŋic Susa haeo jumbiŋ jaŋe ine zoaŋ gie bapa 13 â 14 ira mâmâc qâturerâ zika gie bambiŋ. Êrâ zoaŋ 15 ira ine ɲemanarâ tiwâ bâzi nâhuc zeri bari embiŋ. ¹⁹ Eme irec hâcne Judaŋic hae pitic sâc zoricko juranŋopieŋ jaŋe mosa Adari irec zoaŋ gie bapa 14 ira hombaŋ ɲerâ tiwâ bâzi nâ nareŋ gareŋ ehuc zeri bari eenŋopieŋ.

²⁰ Eme Morodekai e wiac fua-fârewec irec dâŋ qâreŋke-fârewec. Ehuc ɲicwofuŋ Ahasiwero ere mâreŋ dâkâne dâkâne bembenŋko me zoricko forawec ira Judaŋic jumbiŋ jaŋerao papia râeme rafârewec. ²¹ E iŋuc ehuc Judaŋic jaŋe jarane jarane mosa Adari irec zoaŋ gie bapa 14 â 15 ira hombaŋ ɲeniŋte mupaŋke-jarewec. ²² Jaŋe mosa

â zoaŋ gie bapa ira hâcne râsifâc-jeŋic bawa-hac-jopapie zâic busâqoc-jeŋiczi ƚerisieme zeri bubiaŋ bâfuambiŋ, erâ ki busâqoc dameŋ-jeŋic herisierâ hombaŋ dameŋ fua-jarewec. Irec jaŋe zoaŋ ira tiwâ bâzi nâhuc zeri bari eniŋte â nânâ wiac biaŋne nâ nareŋ gareŋ ehuc hapetacfâc-jeŋic wâc jare gumec eniŋte jazawec.

²³ Judaŋic jaŋe Morodekaizi qâreŋke-jarewec irec sâcko hombaŋ ƚembiŋ iŋuc jaha zuhuckerâ ƚerahuc juniŋte mupaŋkemiŋ. ²⁴ Jaŋe Hamedata ƚokâ-ticne, Judaŋic jaŋere râsi Agagi ƚic Hamaŋ, eki hâcne Judaŋic jopa sipiric ejarehuc bâsirowec-jopaocce manasurâ qâsâi zâŋene Puri qawec irec iŋuc embiŋ. ²⁵ Esitezi Hamaŋte fuŋne ƚicwofuŋ âzâcneme manarâ dâŋ kecziŋuc mutâcnehuc qâreŋkewec: Hamaŋ e Judaŋic wiac repicne ejareocce manasu biric ewec i ƚerisierâ e jahacne faio fezejec, ehame e jahacne â ƚokâfâcne jaŋe mâmâc bibitua wâtunjo bituac-jopanzeŋieŋ. ²⁶⁻²⁷ Eme Judaŋic jaŋe irec hâcne qâsâi zâŋene Puri irec manasuhuc hombaŋ-jeŋicte zâŋe Purim hombaŋ mumiŋ. Ehuc papiao dâŋ sasawa qâreŋkekicne fowec, erâ wiac sasawa fua-jareme hone manac embiŋ irec erâ â jaŋe jaŋacne â qâricfâc-jeŋic erâ bâjâpecfâc-jeŋic jaŋere erâ mâmâc hombaŋ i jarane jarane mumupaŋte sâcko â dameŋ mukicnao ƚeniŋte mupaŋkemiŋ wâc. ²⁸ Ehuc mimiŋzi qâric fic sâc â hae sâc erâ mâreŋ sâc hombaŋ irec manasuhuc juhapie Judaŋic ƚondeŋ-jeŋicko Purim hombaŋzi mi si-fuckeocce â qâricfâc-jeŋic jaŋe hombaŋ irec wâc manasuhuc juniŋte mâmâc mupaŋkemiŋ.

²⁹ Eme ñokac wofuñ Esite, Abihaire otâ hâcne, eki Judañic Morodekaizi Purim hombanñe papia namba 2 qârenñekicne fowec i basanañkeocte manacnehuc qârenñekewec. ³⁰ Ehuc wâc Ahasiwero e uucmañko mâreñ dâkâne dâkâne 127 ira Judañic sasawa jurambiñ jañerao wama â dâñ fâri qizecne fosanañkeocte papia râeme rawec. ³¹ I Morodekai â ñokac wofuñ Esite jahe mutâcne-jarepire irec sâcko mecne, erâ jañe jañacne â qâricfâc-jeñic jañere erâ sowa juju â ki busâqoc eere dameñ mupañkambiñ irec sâcko mâmâc Purim hombañ i dameñ-ticnao jaha ñeniñte mu bâmoc ejarehuc qârenñe-jarewec. ³² Ñokac wofuñ Esitere sâcmutâc dâñ izi Purim hombanñe dâñ i basanañkewec hâcne. Erâ dâñ i papiao wâc qârenñekicne fokac.

10

Morodekai e zâñe biñe sâkohec juwec

¹ Ñicwofuñ Ahasiwero e mâreñ rune â hâwecmecko ñic jurambiñ jañe sahac taha moneñ râeniñte mutâcne-jarewec. ² Â ñicwofuñ gie-ticnere â tâpiri-ticnere dâñ, erâ Morodekai bafahareme zâñe biñe sâkohec ewec irec binañ i furu jaha Mede â Perisia ñicwofuñ jañere Binañ Qâhâc papiao qârenñekicne fokac. ³ Morodekai e ñicwofuñ Ahasiwero ere mefâro juwec hâcne. Ehuc ñicfâc-ticne jañerao juju hâmo fuarâ foocte giene bahuc juwec, erâ wamadâñ sawa jazahuc juwec. Irec Judañic qomâfâc-ticne sasawa jañe e sâsehuc manacnepie boc fejâmbâñkewec.

Kâte Bible
The Holy Bible in the Kâte language of Papua New
Guinea
Buk Baibel long tokples Kate long Niugini

copyright © 1978 The Bible Society of Papua New Guinea

Language: Kâte (Kate)

Translation by: Bible Society of Papua New Guinea

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-02-09

PDF generated using Haiola and XeLaTeX on 21 Apr 2023 from source files dated 9 Feb 2023

76869875-8293-5126-8b67-c576c145ac3c